

PARAPHRASIS
ALTISSIMI PSALMORVM
DAVIDIS, CARMINE
HEROICO.

1070. L. 4
3

SCIPIO GENTILI
italo Auctore.



LONDINI.

Excudebat Thomas Vautrollerius
Typographus.

1581.

Dono datus a D. Scipio Gentili

PAPER & PENCILS

THE NEW YORK PUBLIC LIBRARY

ASTOR LENOX TILDEN FOUNDATION

1155 6th Ave. New York

Acquired by the Library

from the collection of

the late Mr. J. B. T. Smith

of New York City

on the 15th day of

January 1900

for the sum of

one hundred dollars

paid by the

Library

on the 15th day of

January 1900

for the sum of

one hundred dollars

paid by the

Library

on the 15th day of

January 1900

for the sum of

one hundred dollars



ILLVSTRI, MAGNA-
NIMO, AC OMNI VIRTVTVM
genere clarissimo Domino D.

PHILIPPO SIDENEO,

domino suo longè obser-
uandissimo. S. D.

Scipius Gentilis.





V ò d ego te litteris compellare
ausus sum (SIDENEE nobilissime)
tibiq; hūc tenuem laborem meum
offerre, puerilem fortassè dicas, &
immaturum, plurimæ, eæque magnæ ratio-
nes fecerunt. Nam (vt aliquas tantum, & præ-
cipuas modò referam) ille antiquus familiæ
tuæ splendor, qui cū ipse excelso in loco,
atque ædito positus sit, omnium oculos in se
concitatur, omnes in admirationem sui ducit,
me in primis ad hoc genus officij tibi præ-
standum hortari est visus. Deindè insignis illa

humanitas, & propensus in nostram nationem animus, in quo næ tu optimum, & Illustrissimum parentem tuum HENRICVM penitus exprimis, non illexit me modò, verum etiam inuitauit. Innumerabiles deniquè animi tui, corporisque dotes, quarum te fama notissimum reddit, & celeberrimum, hæ verò me (vt ingenuè dicam) perpulerunt. Audio te iuuenem summis scientijs apprime ornatum, excultumque artibus liberalibus, nobilique viro dignis. Audio robur, vimq; corporis in te maximam esse, quam in equitando, in torquendis hastis, & iaculandis, in vibrando gladio, in currendo sæpè & ostentas, & imitandam proponis viris. Accedit ferè ad hæc ornamentum illud non paruum adolescentiæ tuæ, plurimarum (inquam) orarum, populorumque cognitio, quàm & in Germania pro Serenissima Regina ad Cæsarem legati munus amplissimum obiueris, & totam ferè Italiam, atque Galliam perlustraueris, & in præcipuis ipsarum ciuitatibus diu, splendidissimèque profectò vixeris. Vnde & varias
tibi

tibi linguas veluti insignia quædam absentia
tuæ monimenta retulisti in patriam, inter
quas nostram Italicam ita tenes & loqueris,
ut non esse in Anglia, sed in ipso Hetruria solo
natus, educatusque videare. Quæ cum ita sint,
tibi gratulari valde duxi oportere. Hoc autem
ut hisce primitiis meis primo facerem, non ab-
nuit, immo & pluribus verbis confirmavit vir
magnificus D. Io. Baptista Castilioneus, quem
ego propter suum erga nos amorem tamquam
alterum parentem colo & obseruo. De istis
autem versibus meis, qualescunque ii sint, ita
te existimare conuenit, mihi duos præstantis-
simos huius sæculi poetas, qui orbi nunquam
ignoti propter ingenium viuunt, imitandos,
atque exprimendos fuisse propositos pœnè
puero. Quum enim superiori anno, qui deci-
mus septimus mihi agebatur, Tubingæ in ce-
leberrima totius Germaniæ Academia stu-
diorum causa commorarer meorum, in id pri-
mum certaminis ingressus sum, perrexissem-
que ulterius, nisi me ingens religionis in fa-
miliam nostram effusa calamitas ex illo loco,

tanquam ex aliqua sede quietis, otijque deie-
ctum variè distraxisset. Verum si tuò iudicio
(quod licèt in omnibus acerrimum videatur,
in poësi tamem, quàm ipsa plurimùm dele-
cteris, multò est acrius) aliquid in his ego
profecisse videar, efficiam planè, vt & orna-
tius aliquandò, & cumulatiùs hoc ipsum opus
in tui gratiam enitar fieri, & Angliæ, in quam
nos veluti in arcem pietatis, & religionis præ-
stantissimam, atque tutissimam fugimus exu-
les, hanc etiam ingenij mei partem acce-
ptam referre tui, bonorùmque om-
nium causa debeam. Vale. Lon-
dini. Vigesima tertia die
Iunij. 1581.





O D E

AD ALBERICVM,
ET SCIPIVM FILIOS.

Vrbem cum socijs ibimus Anglicis
 Londinum? mibi nunc dicite filij.
In magno Oceano tantam aueo insulam
 Statim perspicere, & frui.
Namq; intelligo, tot gignere fertilem
 Tellurem bona, quod Tullius assequi
 Non quiret calamo, non alius rethor.
 Fœlix, cum institerim Anglia.
Mercator quoque ditissimus est ibi,
 Qui terram, mare, perlustrat & omnia,
 Quæ sub syderibus subdita permanent:
 Cælum sed meliora dat.
Nam præclara hominum corpora, mentèque
 Tali prædita, quod viribus, artibus,
 Musis, regna, viros, vincit: & insula
 Donum præstitit huic Deus
Maius, Religionem. nihil ampliùs?
 Gaudete. ille dedit numen & alterum,
 Cuius facta regit, cordis & intimum.
 Quod namnumen? ELIZABETH.

ANTVERPIÆ


[illegible]

34 D

[illegible]

1911

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor discoloration and small dark spots, possibly due to age or handling. A faint vertical crease is visible near the center of the page.



1948

THE UNIVERSITY OF CHICAGO

10

5. 2014. 10. 14.



SCIPII GENTILIS PARAPHRASIS.

PSALMVS PRIMVS.

Beatus vir qui non iuit in concilia &c.

ILL E hominum fœlix, qui non adit impia vita
Agmina concilijs prudens: nec longa moratus
Tempora, linquit iter scelerũ: nō denique turpi
Sede, simul vanis comes illusoribus astat.

Verũ qui Domini Legem, noctesque, diẽsque
Cogitat, & dulci solatur imagine mentem.

Ac veluti ripis surgens florentibus arbor,
Opportuna refert, iam dudum & debita poma
Agricole, & folijs æternum seruat honorem:
Is manibus quacunque suis ager, omnia fœlix
Optato semper concludi sine videbit.

Non ita, quæ magnum ausa Dei contemnere verbum,
Turba nocens, sed pulueri ruet agminis instar,
Quod ventus nunc spargere humi, nunc tollere in altum
Crebrior, aut celeri gaudet deflectere gyro.

Hæc quoque supremi non iudicis ora tueri
(Quum sedeat, meritisque reposcat crimina pœnis)
Audebit, nec erit sancti pars vlla senatus.

Nam Deus ipse pedes iustorum nouit euntes:
At scelerum graui iter collapsum mole peribit.

A



PSALMVS SECVNDVS.

Quare fremuerunt gentes, & populi &c.

QVIS furor, ô gentes, trepidôs miscere tumultus
 Vos agit? & caco populi quid inania sæui
 Corde premunt? magniquè adeunt in fœdera Reges
 Terrarum, contra Dominum, contraquè potenti
 Sacratum illius dextra? sic ore locuti.

Horum eia ingenti rumpamus vincula motu:
 Seruitij procul à nobis iuga proyiciamus.

At cælo ex alto terras, hominumq; furores
 Despiciens, riso placido pulchra ora mouebit,
 Cunctarum ille potens rerum: tunc denique versus
 Terrarum ad Dominos nimiùm verba aspera dicet
 Iratus, meritôsque furens turbabit. At ipse
 Ipse mihi regem statui: sancto ille, meoque
 Monte super, solymæ imperium sacer urbis habebit.
 Hac memorem, patrisque feram decreta sub auras
 Ingentis, pariterque mihi taliore loquentis.

Tu natus meus es, hodierna luce beatum
 Quem genui, fouiq; parens. Nunc me omnia certus
 Posce: tibi que omnes verso simul ordine gentes
 Ipse dabo, simul immensi spatia ardua mundi.
 Tu placidos in pace regas, & mente rebelles
 Confringas sceptri valido molimine ferrei.

Vt vasa aduerso franguntur terrea muro.

Vos igitur monitis Reges melioribus acti

O tandem sapite, & solio qui dicitis alto
 Iura viris, vera hac animis ediscite vestris.
 Cedat honos, & cuncta Deo reverentia cedat.
 Letitiâque simul pleni, mixtôque tremore
 Immensum celebrate patrem: suâque oscula nato
 Ferte suo, ne quando animis commotus, & ira
 Sauierit, spretâque semel vos hauserit ira.
 Fœlices, quorum Domino spes credita fido est.




PSALMVS OCTAVVS.

Domine quàm admirabile est nomen &c.

O Rex, ô hominum custos, quàm nominis huius
 Admiranda tui terras concessit in omnes
 Maiestas, decorêque tuum super aethera misit?
 En etiam ingenti sumptas de robore laudes
 Concelebrant pueri, & pueris tibi mollior ætas
 Infantum: trepidos contrâ furor impius hostes
 Sancta loqui, tacitôque vetat conspergere virn.
 Ast ego, quum media talos in nocte patentes
 (Clarum opus, & manuum monimentum insigne tuarum)
 Intentis perlustro oculis, alioque nitentem
 Lunam auro, & cunctis accensos partibus ignos
 Sic meditor, sic admirans mecum ipse reuoluo.
 Ecquid homo est, quòd, tu summi regnator olimpi,
 Illius memor esse velis? illius adire
 Iam sobolem? atque imis aduertere lumina terris?

4 . DECIMVS QVINTVS.

Hunc equum superis animo, imperioque creasti
 Pæne Deis, hunc & decoris fulgente corona
 Ornasti, rerumque in curam, operumque tuorum
 Accisti ingentem, & pedibus subiecta dedisti,
 Que natura parens totum diffundit in orbem.
 Illi quæ virides in apricis collibus herbas
 Pascit ovis, qui sylvarum per opera vagatur
 Bos, & odoriferis paret latum agmen in aruis:
 Et cæli parent volucres, quique humida pisces
 Regna colunt, tremula vertentes aquora cauda.
 O Rex, ô hominum custos, ut nominis huius
 Maiestas iuit terras miranda per omnes?



PSAL. DECIMVS QVINTVS.


Domine quis habitabit in tabernac. &c.

A Vrea quis, magne ô superum Rex, templæ sionis
 Incolet? & sancti tecum super ardua montis
 Ascendet, felix æterna in sede futurus?
 Scilicet, irradians nunc quem vestit amictus
 Simplicitas: cui vita manet iustique, piæque
 Conscia: qui veris animum sermonibus implet:
 Nec famam violat, noménque absentis honestum
 Callidus: & nulli sociorum ex agmine quicquam
 Obsuit, aut ledi caros tulit ore propinquos:
 Qui fastu elatos homines securus inani
 Contemnit, placidusque pios, dominumque timentes

Prosc-

*Prosequitur venerans oculis: linguæq; manûsque
Ignarus temerare fidem, non fœnore egenos
Affecit, multoque infontem prodidit auro.*

*Hæc igitur qui cuncta peregerit, ille quiete
Perpetua, sanctoque sedens in monte fructur.*



PSAL. DECIMVSNONVS.


Coeli enarrât gloriâ Domini, & manuum &c.

*COElorum spatia, & firmis connexa catenis
Ætheris ora solo, fundunt tibi, maxime, laudes
O Deus, & manuum referunt opera alta tuarum.*

*Sic lucem insequitur lux, & monet ordinis huius
Te canere authorem, sic umbra cedit habenas
Umbra, tuumque simul celebrat decus. Impia terra
Nulla adeò gens est, morèsque induta ferarum,
Atque sonos, cuius vacuas concentus ad aures
Non motus cælestis eat. Sonus iuit in orbem
Immensum, geminos (credo) terræ impulit axes.
Quin etiam celsò nitidum sub vertice solem
Fixeris, auratâsque domos: ceu sponsus, at ille
Ora decora gerit, thalamo qui prodyt aureo:
Ac veluti immensusq; Gigas, fortisue, celerue
Diripuit cursu campos metatus apertos:
Sic sol Eo primùm de littore magnum
Orsus iter, tantas cæli peragrauerit oras,
Donec ad optatas (ubi mergitur Hesperus) undas*

Exijt, & populos radijs accendit, & vrbes.

*Hac tua sunt. Puro illa tuo quoque venit ab ore
Lex sacra, maius opus terris. Cum mentibus altum
Hac sordus pietatis inijt, hac nuncia rerum
Fida Dei, hac sophia pueros ditauit honore:
Hac rectum monstrauit iter, duxque aurea quondam
Letitia, fax alta Dei, fax lucis egentes
Irradians: timor inde pius, quem sacula sacris
Omnibus annectent, Dominique ingentia manant
Iudicia, & recti partes equata per omnes.
Quae cedit fuluum pretio aurum, cedit & ipsa
Gemma nitens, dulcique referta nectare cella,
Mellaque. Ego his monitus seruus tuus, illa parabam
Iussa sequi, nec eram ignarus, quam magna sequutis
Præmia restituas. Sed quis sua crimina nouit?
O Deus, ô, & gnare mei, tu quicquid in imo
Ignotum serpit sceleris corde, ablue, queso.
Tu me sublimi seruum tibi repprime fastu,
Ne tanta de mole cadam periturus: at ista
Ingenti, & culpa videar tibi lotus ab omni.
Tu quoque purus ama pueros, mea carmina, fontes
Eloquij, tua, quod secum mens grata rependit,
O clemens Pater, ô vindex meus, antefere ora.*



PSAL. VIGESIMVS QVARTVS.

Domini est terra, & plenitudo
eius, orbis &c.

IPSA

IPSA suo tellus Domino permisit habenas
Cunctorum rerum, quas magno continet orbe,
Et, quæ tam varias orbis gens intolit oras,
Imperijs stat prompta Dei; namque is vaga ponti
Stagna super valido terras firmauerat axe,
Et fluuios gemina constrinxerat aggere ripa.

Hic tantum tibi parua domus, tibi colle sionis
Surgit apex, Deus. o illo quem vertice sancto
Accipies pater alme? tuæ intra Limina duces?

Cui manus haud ullo violata est crimine, cui mens
Recta sedet, vanas animo qui depulit umbras:

Qui fraudisq, doliq, expers, non improba cuiquam
Damna dedit, nocuitque suo periurus amico.

Ille est, ille Deo gratus, pro talibus ingens
En referat mercedis opus, simul ecce superbos
Cernat humi stratos telis immanibus hostes.

Hæc est chara Deo soboles, quæ tendere in astra,
Atque Dei, atque Patrum vultus exoptat adire.

Tollite vos portæ, semper quibus æthra tueri
Cura est, iam sublime caput, iam impellite postes
Ingentes, magnasque fores, ac limina magno
Pandite, cui seruit rerum nunc gloria, Regi.

Cui rerum seruit nunc gloria? quis venit hic Rex
Tantus, in æthereas regnum qui transferat oras?


Imperij Dominus terrarum maximus ille est
Dux fortis, turmasque inter bellator ouantes.

Tollite vos portæ semper quibus æthra tueri
Cura est, iam sublime caput, iam impellite postes
Ingentes, magnæque fores præpandite Regi.

Quisnam, agite, æthereis tantus rex aduenit oris?

8 PSAL. TRIGESIMVSSECVNDVS.

*Armipotens Dominus, magni dux agminis ille
Est Rex, cunctarum paret cui gloria rerum.*




PSAL. TRIGESIMVSSECVNDVS.

Beatus vir, cui remissæ sunt iniquitates &c.

FOELIX cui clemens hominum Pater omne remisit
Crimen, & oblitus scelerum non vlla reſeruat
Supplicia, exitiâq; faces; illius in alto
Pectore quum cernat nullos dominariæ aſtus.
Sic ego ſeu dira preſſus ſub mole tacerem,
Seu quondam ruptis clamarem vocis habenis
Impatiens, vtrique videns ſic igne medullas,
(Vt medio in prætiis decifus ſlos perit aſtu)
Experiensque manus noctesque, diesque, potentes
Nullam comperi opem: Cum me in contraria verti,
Atque meos prodi lapſus, ſcelera omnia prodi.
En adſum, en Domino vitæ tot crimina ſabor.
Vix effatus eram, quum cælo exaudivit alto
Rex ſuperſum, veniamque mihi, mihi detulit ultro.
Ergo, qui ſancti colitis ſacraria cordis,
Atque malis optatis opem, dum tempora ſandi
Mollia ſunt, facileſque aditus, hunc ſpectate votis.
Hic, ſuperiniectis quum non extabit in undis
Tellus, vos rapidi ſervabit ab æquoris undis.
O arx, ô ſeu i cuſtodia libera ſuæctus,
Materieſque meæ ingens inuenta camænis.

Mentem

Mentem ego laudanti tribuam, rectasque monebo,
Ire vias, inquit, nec lumina gressibus unquam
Ipsius (quocunque ferent vestigia) flectam.
Tu vero huc incumbere volens: neu more ferarum
Infractos contende animos, it qualis aperto
Campo liber equus, mulusque simillimus ipsi,
Aspera qui tandem victis dant ora lupatis.
Sera illum vindicta manet, qui nescius alto
A scelere in melius vite conuertere cursus:
Ast illum, qui cuncta Deo creditque, locatque,
Ipsa Dei misero clementia cinget amictu.
Vos igitur, quæis pura sedes sub mente voluntas,
Iustitiæq; timor, patri diuinique, hominumque
Exultate, nouasque merenti dicite laudes.



PSAL. TRIGESIMVSSEXTVS.

Dicit iniquitas impij in medio cordis &c.

NE tua facta pio studeas obtendere velo
Impietas, nostro semper notissima cordi,
Et tales dare visa sonos. Ego numina demens
Vlla reor? quæ res hominum, quæ crimina curent.
Scribet ipsa sibi tacitis blanditur ocellis.
Donec ab obscuris tandem disculsa tenebris
Inuisos turpi retogat sub imagine vultus.
At sua nunc diris sermonibus imbuit ora
Ora parata doli, rectamque monentibus aures

IO PSALMVS TRIGESIMVSSEXTVS.

*Auertit, scelerumque vias super ipsa cubili
Cogitat in somnis; quando virtutis honestum
Liquit iter, quando vitijs non durior iuit.*

*Et tamen illa, parens, bonitas, qua protegis orbem
Immeritum, longè celsis caput inserit astris,
Et tua certa fides super ardua nubila tendit.*

*Quin etiã vastos superat celi vertice montes
Iustitia, atque hominum, & pecudum sapientiã custos
Vorticibus pelagi, terrãq; profundior ima est.*

*Quàm pulcher bonitatis honos? quàm pulchra parentis
Aetheri sunt signa? Deus, quod more volucris
A larum molli teneros complecteris umbra
Ipse hominum natos, sed quos tua pignora cælo
Constitues: ubi se largo bona copia cornu
Explicat, & vitrei manant dulcedine riu.*

*Namque illis vitæ fons, principiumque perennia
Visus eris, puroque tui de lumine vultus
Optatam capient diuini luminis auram.*

*Interea, queis notus amor tuus, vnaque recti
Cura manet, niuensque imo sub pectore candor,
Sis bonus, & merita tribuas sua premia vitæ.*

*Me quoque nec tumidus sauo pede comprimat hostis,
Nec pulset grauiore manu. Iam iam impia (cerno)
Corruit, & lapsu ingentem dat turba ruinam.*



PSAL. VIGESIMVSOCTAVVS.

Domine ne in furore tuo arguas me, neq; &c.

O Deus,

O Deus, ô summi clemens dominator olimpi,
 Ne miser ipse tuo scelerum tunc arguar ore,
 Vel iustas referam pœnas; tua pectora quando
 Ira, furorque simul laxis impellet habenis.

Nam qua tela remisso (hunc tu pratendis) ab arcu
 Certa volant, imis hærent infixæ medullis:
 Et tua vulneribus semper sedet aspera dextra.
 Omnibus ecce cruor manat de partibus icti
 Corporis, accensas Domino torquente sagittas.
 Nulla quies fractis redit ossibus; impia quum se
 Obiectat scelerum facies, quæ plurima nostrum
 Exuperant caput, atque, graui cœu mole per ima
 Voluitur arua lapis, corpus feriuntque, trahuntque.
 (Dira lues) liuor lacero languentis ab ore
 Vlcus apparet, tetrum fouet vlcus odorem.
 Talis me quum digna olim vindicta maneret.
 Me miserum, me, inquam, miserum: qui infirma traheram
 Crua solo, curusque omnes gradiebar in horas.
 Ecce etenim combusta suis sunt viscera nervis,
 Nilque mea sub carne vicens, vacuumve dolore est.
 At patiens, at tristis ego, & cui nulla refundunt
 Verba sonum: trepidas tantum mugitus ad auras
 (Nam clausum mihi vocis iter) corde exilit imo.

Magne parens, animi cælo scrutaris ab alto
 Vota mei: nec te vlla latent suspiria, sequæ,
 Qui mea corda ferit, poscit dolor. aspice, vires
 Iam torpent, atræque iacent caligine vultus.
 Hinc omnes longe a me auersi terga dedere,
 Eheu, cognatique simul, fidique sodales:
 Nec crudis voluere oculos demittere plagis.

*Sed qui me solam coniuuere periculis
Vincere, tendebant laqueos, animaeque parabant.
Nec scelerum carnere doli suaseris, & alta
Mente resurgebant semper: at surdior illos
Præterij, sandique vias, & claustra repressi.
Qualis, qui nullos aditque, hauritque sonores,
Crimina veridico nec falsa redarguit ore:*

Me fecit mea talem auris, mea lingua videri.

*Namque tibi, cui nostra salus innititur omnis,
Hæc Deus, effabar, teque in mea vota vocabam.*

Ne lacrimas, luctusque ferox (sine) rideat hostis:

*Qui, si forte mihi titubans inclinat humi pes,
Arguit, & casum pleno simul excipit ore.*

*Nempe ego diuersos casus, diuersaque flagra
Semper obi, semper fessos dolor urget ocellos,*

*In fletumque rapit. Vita scelus omne fatebor
Ipse mea, meritisque luam pro crimine penas.*

*Interea viuunt tamen, & maioribus hostes
Viribus inualuere feri, atque ingentia surgunt*

*Agmina, nec iustis odiorum exercita flammis
In mea damna ruunt, & tristibus optima pensant:*

Æquaque sectantem non a quo crimine ledunt.

*Ergo, quum angustæ huius nequeant obistere vires,
Hinc Deus, hinc ne longè obsis, præsensque periculis
Huc te fer, nostræq; velis meminisse salutis.*


PS. QVADRAGESIMVS SECVNDVS.


Iudica me Deus, & discerne causam meam &c.

Hæc

HAEC Pater omnipotens cape vota, meamque tuere
Causam (oro) vindex immani à gente receptam,
Intentumque à me arce virum scelerique, dolisque.

Tu solus mihi das robur Deus. ecquid abire
Longè iubes? cur me vis mæsto incedere vultu
Hostiles perpeffum iras? tua lumina pandes,
Luminibûsque comes veri simul ibit imago.
Ipsa viam ostendens, quæ me feret ardua montis
Culminibus, septisque tuis. Altaria visam
Sacra Dei, latûsque, & latis saltibus acer
Exiliam, vocem & ore Deum, fidsibûsque canoris.

Causa igitur quæ tanta est, ut te vulnere diro
O anime exagitet? conturbatumque reuellt?
Fide ingens, & crede Deo. nam sæpius ipsi
Tabor adhuc, pulchras intexens carmine laudes:
Auxiliumque mei vultus, mea numina dicam.



PSALMVS QVADRAGESIMVS-
TERTIVS.

Quemadmodû desiderat ceruus ad fontes &c.

Qualis agros, celeri qualis nemora ania cursu
Cervus obit, gelidasque undas petit, horridus æstu
In medio, hostilique canum detectus odore.
Talis viue tuos anima, ô Deus, expetit amnes
Vsta siti placidi vultus, pater. ô mihi quando
Ille Dei vultus? sese illa altaria pandent?

14 PSAL. QVADRAGESIMVSTERTIVS.

Mæstus ego haud unquam carpendis ferrea rupi
Ora cibus. lacrimis oculos pascentibus ipse
Nocte, die immersus iaceo; turba impia quum me
Heus, rogat, afflictis ubi sunt tua numina rebus?

Hac memorat, meliorque animus diffundit habenas
Latitia, speratque simul mox adfore tempus,
Quo patria sedes, & sacri limina templi,
Latus ego, atque pijs cinctus dux undique turmis
(Scilicet hæc iungentque choros, & carmina dicent)
Inuisam. late resonabunt omnia plausu.
Cur igitur, cur ipsa adeo me conficis agra
O anima? & trepido vellis mea corda tumultu?
Pone metum, atque istis dubium nunc exime dictis.
Illi victor ego ingentes per carmina ducam
Ore sonos, placatumque in mea vota reflectam.

Hæc solet interdum mæstas in pectore curas
Demulcere fides: licet altis obrusus errem
Iordanis fluij syluis, licet Hermõnis exul
Saxa per incedam, solis saxa hospita brutis.
Quum tua vox vocem trudit, dolor ecce dolori
It comes, inque meum saui caput igne fragores
Irato tibi, Magne, cadunt. me fluctibus ipse
Obruus, & rauca ipse feris crepitante procella.

At si me vultu tandem respexeris a quo,
Protinus ex oculis obdueta nubila cedent
Tristitia, tenebræque adiget lux aurea cæli.

Me tamen interea solitas tibi dicere laudes
Non cura impediunt, noctis non umbra silentis.
O latebra (dicam) o rupes mea, quod tibi nostri
Cessit amor? cur me lacrimis, luctuque, querelisque

Excrucio

PSAL. QVADRAGESIMVS QVINTVS. 15

*Excrucio infelix, hostis dum oppugnat iniquus.
Rumpitur heu gladio pectus mihi : ridet amaris
Dum me turba iocis: quotiens sol lumina terris
Ostendit, scitatur ubi mea numina degant?
Cur tu te ipsa iacis venia spe tristis adempta
O mens? & varijs animum terroribus imples?
Quin potius confide Deo, quo vindice tandem
Liber ero, & grata persolvam premia laudis.*



PSALMVS QVADRAGESIMVS
QVINTVS.

Eru&tauit cor meum verbum bonum.&c.

*C*Arminibus, caeptisque nouis it pectore tota
Numen, iam cuius vires afflantis, & aura
Ore meo exuperant: celeres fugit ocior ipsas
Scribentis mea lingua manus. decora alta, tuumque
Rex opus; insignis fecit quem forma videri
Mortales anteire viros, quique aureus ambit
Ora lepor, dulcem verbis inspersit honorem.
AEternum decus, & patris inuiolabile munus.

*Armipotens huc tende heros, accinge superbum
Ense latus nitido, & fibulis religatus, & ostro.
Gloria te, splendorque tuus comitentur. At Aequum
Et Verum, rapidique comes Clementia curru,
Moliri celsas manibus videantur habenas.
Hinc magnam exertans dextram, miranda per orbem*

16 PSAL. QVADRAGESIMVS QVINTVS.

Facta ades, telisque sinum complebis acutior
(Heu timor, heu populi terror, sistētque, cadētque)
Cordis ad ima feros telis iaculaberis hostes.

Nec solū iam finis erit, nec terminus aui.

Tu si quidem recti sceptrum geris: omnia scepro
Imperij quo iura manent. Te linguit, & harret
Impietas, molli probitas te lumine spectat.

Nam socios Deus ante tuos tibi gratior omnes,
Letitia sacro vultum persudit oliuo.

Et iam non uno perfusas unguine vestes,
Myrrhaq;, stattaq;, & suauē liquētis amomi
Indutus, foribus venies, quas undique clarum
Pingit ebur: populisq; tibi gratabitur, omnis.

Imperio sese magnis ē regibus orta
Subicere tuo, famulantiq; agmina iungunt.

At coniux tales inter nitidissima cætus
Iuncta tibi dextro lateri stetit: aurea cuius
Vestis ophiræis Arabum demittitur oris.

Tu mihi nunc aures adhibe, & rem perspice Virgo,
Et cape, quæ moneo. Patriis obliuiscere sedes
Antiquas, populūque tuum. Te regis in una
Fixus amor: sedet hic oculus, sedet ore decoro.

Tu verò supplex dominum venerabere Regem.
En magni illa Tyros regnatricis æquoris, illa
Diues opum, tibi dona foret. te puluere ab imo
Plebis, auūmq; humiles, sed clari diuite gaza
Suspicient, aurūmq; dabunt. Aegyptia magnis

Orta atavis Regina, domi in penetralibus aliis
Totas pandit opes, & vestes induit auro.


Ipsa ingens tunicis, mira quas pinxerat arte,

Duce-

*Ducetur. Venit ecce suo pulcherrima Regi,
Quam iuvenes, quam mille chori comitantur euntem
Virginei. resonat letis applausibus æther.
Postibus auratis illos, & limine primo
Accipiet Rex, & fulgenti sistet in aula.*

*Hac ipse haud patribus capiet de coniuge natos
Dissimiles, sed qui patrium facta incluta facta
Aequent, & magnum referant qui nomen auorum.
Hos tu leta oculis nimium Regina videbis
Mittere mansuetis totum sub legibus orbem.*

*Interea nostro semper celebrabere cantu
O Rex, atque tuum populis per secula nomen
Omnia, perpetuoque recens memorabitur aeo.*



PSALMVS QVINQVAGESIMVS-
PRIMVS.

Miserere mei Deus secundum magnam &c.

T*errarum, latique potens maris, arbiter oræ
Æthereæ (tot enim cælo miseratus ab alto
Mortales patrio vultu aspicias) heu miser, eheu,
Seruet ego, atque (Deus) veniam tibi consequar uni.
Tu culpas tege nocte meas, aut obrue largo
Flumine, daque meos undis emergere vultus
Iam nitidos, iam labe exutos, cernere semper
Multiplicem quam in me ipse fero, dum turbida mæstia
Luminibus scelerum pœnas obiecit imago.*

18 PSAL. QVINQVAGESIMVS PRIMVS.

Te mea lis vnum poscit, mea crimina coram
Facta tibi: veras quando sub pectore leges
Fixisti, quas si solio dicturus in alto
Consideas, solio ipse domos detrudar ad imas.
Ecce etenim cunctarum excepi semina labum
(Tunc neg, eram) quum me genitrix mea sanguine primum
Conciperet patrio, calidosque foueret in artus.


At tibi grata fuit, nostro que in corde manebat,
Simplicitas: qua tu magno me nomine vatis
Ornasti, secreta tui qua pectoris hausisti.

Me Deus hyssopi canenti fronde piabis,
Me nitidis lustrabis aquis: & sorde relicta
Purus ero, pulchrâque niues albedine vincam.
Tu mihi latitiam pleno, fac, nuntius alter
Ore ferat: placidaque exultent ossa quiete,
Ossa tua contrita manu. tege lumina (quæso)
Peccatis, & cuncta pater mea crimina dele.
Summe opifex rerum; neque enim, cor, nescius, auro
Finge nouo. Recti illa meos lux tendat in artus
Irradians. nè me alme tuo pater ejce vultu:
Afflatusque meo sanctos (tua maxima dona)
Iratius ne cordi aufer. Quin leta salutis
Nunc reddas monimenta. ô me quoque libera rursus
Confirmet vis, atque auræ principis ardor.
Ipse tuum quo fretus iter scelerata docebo
Agmina: & illa tibi mentes conuersa reducent.

Magne Deus, Deus, à culpa qui me asseris omni,
Sanguineas cernens obitus, indignaque cælo
Funera, ne misero pœnam meditare vicissim.
At tu me pro pœna alios conuertis ad usus:

*Lingua sonat, plectrumque tibi bonitatis honores.
 Labra igitur mihi, Sancte, aperi; ut tibi profluat ore
 Laus celebrata meo. Positas en despicias aras,
 Torrentesque sacro igne dapes. non parciore essem
 Muneribus, nec rara tuis foret hostia templis.*

*Nunc igitur diuersa fero, melioraque longe
 Sacra tibi: pauidum, consternatumque dolore
 Cor sacro, atque humiles animos. Tu ferre roganti
 Promptus opem, nostrum (quæso) ne despice vulnus.
 Tu quoque, mansuris sacram quum mœnibus urbem
 Accingent, nutu faueas Sionis amico.
 Tunc tibi sacra Deo solennia ferre iuuabit.
 Vina tibi, & calido spumantia vasa cruore
 Fundemus, vitulosque tuis mactabimus aris.*



PSALMVS SEXAGESIMVS.
 SEPTIMVS.


Deus misereatur nostri, & benedi-
 cat nobis &c.

*S*ANCTE parens, veniam scelerum te poscimus omnes:
 Tu veniam concede libens, & munere largam
 Pande manum, nitidoque bonus nos adspice vultu.
 Gentibus ut tandem cunctis via nota salutis
 Sit nostra, & terras ingens se fundat in omnes,
 Ut populi (Rex magne) tuos fateantur honores,

20 PSAL. SEXAGESIMVS OCTAVVS.

Atque tuos omnes lati meditentur honores,
Cum plausu & choreis, & cum vario modulatu.
Namque illis tu das equi, tu iuris habenas
Inyicis, auersosque regis per denia gressus.
Ut populi (pater alme) tuos fateantur honores,
Atque tuos lati magnos meditentur honores.

Ipsa diu sterilis, iam culta nitescere tellus
Incipit, & longis segetum flauescit aristas:
Nec poma arboribus desunt, nec vitibus vnae.
Quas nobis cæli ex alta Deus appluit arce
Dimitias, Deus ille bonus, Deus ille meorum:
Quem gemini aeternum vereantur cardinis axes.



PSALMVS SEXAGESIMVS-
OCTAVVS.

Exurgat Deus, & dissipentur inimici &c.

Surge Deus, teque his medium poscentibus offer
Hostibus, ut subita venientis imagine visa
Ignotis fessi spargant vestigia terris.
Nam cœu commixtus tennes vapor ater in auras
Euolat, & paruis cera fluit ignibus humor:
Sic vultu tremefacta tuo ruit impia longè
Turba, tui vultus radiorum ardore corusci
Impatiens, totosque metu dissoluitur artus.
At iusti ingentes te coràm dicere laudes
Aggressi, toto curas de corde fugabunt,

Latitia

*Latitia veniente Dei. Vos carmina magno
 Ferte Deo, noménque suum celebrate fauentes,
 Aeternum nomen, quo cæli inuictus opaca
 Nube sedet, quo iam terras, & despicit aquor
 Cuncta regens. illi festos indicite plausus.
 Hic natos infælices, & patribus orbos
 Ipse pater molli cura fouet. ipse mariti
 Extincti lacrimas, viduarumque ora tuetur.
 Antè domos complet vacuas, mæstumque cubile
 Nuptarum, læta sobolis iam partibus ornat.
 Compedibus victos, & duro carcere soluit:
 Aridaque arua iubet populos habitare rebelles.*

*Quum Deus electa gentis antè agmina ductor
 Ibas, horrentes saltus, desertaque riuus
 Saxa tenens, magno tellus commota tumultu
 Te gradiente fuit subito: cælique per oras
 Ingentes gelido manauit vertice sudor.
 Et Sinai mons ille tremuit, qui culmine celso
 Tela, Deiq; manus, & flammea lumina vidit:
 Isacidas quibus ipse atris comitatus in umbris.
 Ipse tuos pluuiam cælo descendere in agros
 Sponte iubet, nulloque hominum cogente labore
 Afflictam recreas tellurem: atquæ hæc loca fessæ
 Isacides coluere tui. tu scilicet illa
 Donasti misero, & rerum mortalium egenti.*

*Carminè tu patrio latos celebrare triumphos
 Agminibus passim eiectis, talique puellas
 Fecisti os implere sono. Cessere Tyranni,
 Indomita cessere acies, tectisque domorum
 Assuetæ, magna prædas nunc voce reportant.*

Vos quamuis inter nigros fuligine postes,
 Lebetumque inter sordes, cineremque perustum
 Corpora sternatis somno: tamen illa nitentem,
 Argentoque micantem alas, & pectora fuluo
 Teetam auro, pulchra Vincent in veste columbam.
 Dispersas ut Regum acies, fusosque maniplos
 Omnipotens spectare dedit, statim, obruta terra
 Nubibus, en iterum candenti lumine fulsit:
 Salmonis cœ summa nitent iuga cana pruinis.

Hic pulcher mons ecce Dei. ne pingua tantum
 Pascua, nec cœlo teneant te proxima Basan
 Culmina: vobisque alij fastus deponite montes
 Cornibus infractis, & verticibus præruptis.
 Namq; hominum Rex omnipotens hunc montibus unum
 Præposuit, cunctosque habitandum legit in annos
 Ipse sibi, quem tot curruis, tot millia diuinum
 Undique circumstant: quibus ille aut atria vœtus
 Sacra loci, Sinavè ingentes despicit arces:
 Aut sublime petens, cœli super aurea tendit
 Sydera, captiuosque duces, atque agmina bello
 Secum victa trahit, donisque ingentibus orbem
 Hostibus ereptis cumulat. Iam aversa virorum
 Turba, Dei manibus supplex venerabitur aras.

Munere quo lati semper celebramus honores
 Voce tuos, qui tot rerum fœlicia nobis
 Tempora perpetuo iubeas decurrere lapsu.
 Te ferimus nostra custosque membræ salutis.
 Tu vita regis occasus, tu limina lethi
 Observas immota: tuque in nemini hostes
 Fronte sub adversa totum configis: & ille

*Crinis apex scelerum decusus vertice fluxit.
Talia sed nobis placido Deus edidit ore.
Vt quondam è Basan, mediòque è gurgite ponti
Eduxi vos ipse libens: sic agmina seruem
Vestra modo, & trepidis dem inimico sanguine tinctos
Ferre pedes, canibusque ferum vomere ore cruorem.*

*Tempore quo clarus, magnòque sub agmine victor
Isacidis spectandus eras, gressusque ferebas
Antè tuos, Deus ipse, tui Rex maxime templi.*


*Hic primi iunxere manus, qui carmine pleni
Ora ibant sacro iuuenes: hinc proximus ordo
Aethera mulcebat sonitu, laudèsq; canebat
Ad numerum: media tangebant ara puella,
Tympanàque: & tales mittebant gutture voces.
Conuentu populi in medio, stirps aurea Iacob,
Solennes domino, solennes dicite cantus.
Illic parvus erat, sed claro robore cinctus
Beniaminus, & ipse virum dominatus in agmen
Aduersum: nec non Iudas ex omnibus ibat
Pictus acu tunicas, & lumine letus honesto:
Tum princeps Zabulo, tum Nepthalis alta propago.*

*Hoc Deus omne tuum est. vires in bella dedisti
Ingentes, roburque viris: tu numine firmes
Roboràque, virèsq; tuo. tibi sacra Tyranni
Templa petent, magnisque ornabunt atria donis.
Tu perdis ferro populos, & arundine fretos:
Tu validos in bella domas, opibúsque superbos
Deiçis, affigisq; solo. Tibi pondera quisque
Argenti vehet, & supplex ad limina tendet.
En media Aegypto procures, & solis ab ora*

*Huc ad te summis contendunt viribus ire,
Et geminas solio victori extendere palmas.*

*Nunc istum Regem terrarum dicite reges,
Et dominum celebrate, alti fastigia cæli
Qui tenet, hæud vlla expertus primordia rerum.
En vocem Deus emittit, quam territus orbis
Accipiet, virtusque dei circumdabit ingens.*

*Vos igitur cunctas numeris asciscite vires,
Omne Deo robur: qui saevo texit ab hoste
Isacidas, cuius semper colit æthera summum
Gloria, & excelsas immensa potentia nubes.
Te Deus arcani summis è sedibus antri
Terribilem ostendis. Hinc magno pectora firmas
Præsidio, & populi vires immittis in artus:
Qui tua perpetuo celebrabit munera cantu.*




PSALMVS SEPTVAGESIMVS.

Deus in adiutorium meum intende &c.

A *lme Deus, fer opem misero, meque ultima passum
Auxilio propiore iuuas. Fac protinus hostes
Insanos titubare metu, qui cladibus orco
Obruerè hanc animam certant: fac vertere victos
Terga procul, roseoque genas violare pudore.
Nec mora, dent iam terga fuga, maculisque pudendis
Ora notent, qui euge ingeminant mihi vocibus, euge.
At penitus lati cuncti, queq; cura recursas*

*Vna Dei, affusis testentur gaudia habenis:
Et cupiant efferre Deum, Dominumque vocare
Assiduò, unde illis pendet spes certa salutis.*

*Hic miser, omnium egens rerum, & cœu casibus actus
Qui dolet, exclamo, fer opem, auxiliũque roganti
Magne pater, meus ipse es tu, vindexque malorum
Prestò ades. Haud vlla in miserum mora tardet euntem.*



PSALMVS SEPTVAGESIMVS

PRIMVS.

*In te Domine speravi, non con-
fundar &c.*

*Speravi, abieciq̃ue graues de pectore curas
In te, magne Deus. Nunquam confundar: at ipse
Iustitie me conde sinu tue, & eripe saui
Visu hostis, nec vota velis dispergere in auras.*

*Tu cœu inaccessi collis arx alta pateres,
Aeria aut saxum rupis, mihi tuta dedisti
Aufugia, & proprias in sana pericula sedes.
Hanc rupem, hanc celsis munitam in collibus arcem
Imploro nunc voce libens, nunc æthere toto
Auxilium quero, ne me scelerata nocentum,
Spernentũque tuas leges, fasq̃ omne ruentum
Corripiat manus, & violento turbine verset.
A te etenim auxilium semper (pater alme) poposci,
Et tibi mens primis cœpit confidere ab annis.*

Ipse mihi, ceca penitus dum matris in aluo
 Claudebar, misero non certa alimenta negasti:
 Et tua sub claras gelidum manus extulit auras.
 Hinc magna tibi laudis honos, hinc aurea surgit
 Materies: sed iam nostros non segnis abhorret
 Aspectus turba insolitos, ceu dira malorum
 Monstra sinu, variâsque tegam sub pectore formas:
 Quod mihi stes animo custodia certa salutis.

At mea lingua tuos (liuor licet improbus illos
 Audiat) effuso meditetur carmine honores,
 Hoc vati concede tuo; namque agra retardant
 Membra senem, fugitque omnis de corpore virtus.
 Tu modo ne miserum, nè despice. Tempore in isto
 Sermones multi iactant (mea probra) meâq;
 Qui tendunt anima casses, inière frequentes
 Consilia. Et quisquam cælo spectabit ab alto
 Hac, aiunt? Vos ite illum comprehendite, prensum
 Ducite, non vinculis miserum Deus eximet ullus.


Ab Deus hinc ne longè absis, praesensq; periculis
 Hûc te fer. stupeat confestim territus hostis
 In cassum cecidisse dolos, flatûsque remittant
 Obstantes, turpisque illis pudor obruat ora,
 Perpetuaq; nota signent. At te Deus vno
 Fretus ero semper, maiores dicere laudes
 Aggrediar, maius nostro tibi surget in ore
 Iustitia, ac bonitatis opus, quod texere lucas
 Vix valeam totas, numerumque equare canendo.
 Tu valido nostros incessus robore firmas:
 Alma fides molles circum praetendit amictus,
 Quam memorare, superque omnes iuuat addere laudes.

Tu iuuenem, tua qui toto facta incluta mundo
 Concineret, proprium sacraſti numine vatem,
 Quum mihi vix prima tegeret lanugine malas
 Parua ætas. iam canicies, rugæq; ſequentes
 Obducunt rigidi vultum ſenis. aspice vatem,
 Aspice, ſuſtentâque tuum. victricia donec
 Brachia, ſera hominum diſcat (me vate) minorum
 Progenies, diſcat robur, ſanctumque, fidemque
 Seruatam, & longè famam ſuper aſtra volantem.

Quis tibi ſe terra, quis cæli conferat heros?
 Magne heros, qui me tam ſæua incommoda paſſum,
 Deſunctumque malis, & tartara ad ima repreſſum,
 (Sic ſone ſic viſum eſt tibi) tenuia vita
 Fi'a legens iterum, ſuperas educis in auras.
 Nec ſatis, extinctos etiam mihi reddis honores
 Accumulans, placidòque refers ſolatia vultu.

Aſt ego pro meritis, pro dolci munere vitæ
 Has referam celebrans laudes, hæc nabilia crebro
 Pulſa ſono. vera ſed enim pietatis honores
 O Deus, ô, qui templa colis Solymeia ſanctus,
 Effingam cythara fretus, numerisq; canoris.
 En noſtra exultant labris ferientibus ora,
 (Dum meditor) tibi, quæ ſtygio eſt erepta profundo,
 En anima adplaudit. Quoſcunque eduxerit ortus
 Clara dies cælo, magnum tibi lingua loquetur
 Iuſtitia, ac bonitatis opus. quod turpibus hoſtes
 Inſciant vultus maculis, atquæ ora pudore:

Et mea ab aſſiduïs requieſcat vita periclis.

PSALMVS SEPTVAGESIMVS
SECVNDVS.

Deus iudicia tua da regi, & iustitiam &c.

R *Ex supreme tui Regi tu iuris amorem
 Inspira (& natos equis virtutibus orna)
 Excelsa de sede olim regnumque virosque
 Spectanti, iustis illos perferre docenti
 Legibus, hos etiam caelo tutarier alto.
 Iustitia, & pax tunc montes, collisque feraces
 Implebunt regni socia, populique magistra.
 Ille inopes, inopum & natos è fece reiectos
 Plebis ad astra uehet, pedibus teret ille superbos.
 Hinc amor, inde timor tibi seruiet; aethere namque
 Dum sol, & nitido fulgebit in aethere luna,
 Te patrum series, te sera verebitur etas.
 Ut qui se terris astra iam immittit hyulois
 Aërea de parte ruens gratissimus imber
 Detonsos pratis faeni viridantis honores
 Instaurat. sic ille aderit rex missus ab alto.
 Quo sub Rege pius certè florebit, & undans
 Pax iterum letis ponet vestigia terris,
 Harebitque affixa diu, ni deserat illas
 Luna prius casura, suoque ex orbe refixa.
 Oceano late imperium distendet utrique,
 Limitibusque soli longis Euphratis ab undis.
 Regis & ante pedes, desertam qui incolit oram*

Pronus, adoranti similis cadet. huic simul hostes
Ora suas hostes referent lambentia plantas.
Huic Cilicum reges, & qui medio aquore terras
Exercent, vltro portabunt munera lati.
Huic Arabes gemmas, & fortunata Canopi
Dona ferent, & odorati Saba thuris acernos.
Denique Rex istum regem venerabitur omnis,
Et dominum agnoscens populus venerabitur omnis.

Ille autem quanquam solio residebit in alto,
Non tamen exili missas de gutture voces
Despiciet, sed opis, sed heri melioris egenti
Sceptra volens, solioque manum protendit ab alto.
Fœnore & oppressas animas exoluet iniquo,
Et pensi pariter, & rapti sanguinis vltor.
Sic bonus aternum vivet. Ditissimus auro
Quique illum donabit Arabs, & currere faustos
Imperijq; sui, vitæq; precabitur annos.
Tantus, quàm dense segetes in montibus altis
Surgent, ventorum sonitus instabit aristis,
Fert Libanus quantos Euro impellente fragores.
Vtq; herba virides per prata nitentia crescunt,
Sic per inexhaustas proles adoluerit vrbes.

At verò nomen manet, aternumque manebit
Ipsius, dum lux miseris dabit aurea solem
Spectandum terris. hoc omnes rege beati
Semper erunt populi, semper Rex ipse vicissim
Dicetur populis, & erit quoque maximus illis.

Nunc patri Isacidum dilecta premia laudis
Reddantur, qui tanta facit miracula solus:
Gloriæque aeterno celebretur nominis auro,

30 PSAL. SEPTVAGESIMVSSEXTVS.

Gloria & ingentes in terris explicet alas.

Annue magne Deus nostris, precor, annue votis.



PSALMVS SEPTVAGESIMVS

SEXTVS.

Notus est in Iudæa Deus, in Israel &c.

Cognouere Deum soli Iudæa tenentes
 Arua, Deiq, ferunt magnum, ac memorabile nomen
 Isacides, qui templa illi speculantur, & aras
 Monte super Solymo. hic tela micantia fregit,
 Arcusque, clypeosque, & pralia morte diremit.

Tu pradores magnos, & montibus aquos
 Maximus ipse domas: manibus data prada superba
 Corde fuere tuis: illos teū ferreus urget
 Somnus: inexciti dextras ac tela requirunt.
 Nam simulac magno tua vox emissa fragore
 Increpuit, Deus Abramidum, sopor altus inertes
 Fixit equos, currusque solo depressit equorum.
 Terribilis tu nempè. Quis & consistere vultus
 Antè tuos valeat, magnus quum exarserit ignis
 Irarum. Te iudicium pandente sub auris
 Intremuit sonitu, siluitque exterrita tellus.
 Tunc Deus exurgens tete demittis ab auris
 Aetherijs, senaque oppressos mole tyranni
 Eripis obseruans inopes, animoque ferentes
 Dura equo. tot clara, hominum furor impius orbi.

Ostendes

Ostendet facta, & cupidus celebrauerit orbis.
 Tandem relliquias cedes, si praelia nobis
 Parua referre hostis, bellique nouare labores
 Audeat, & tecum malit concurrere victus.

Vos igitur, quaecunque Deo tam densa corona
 Cingit utrumque latus, sacrata resoluite vota:
 Hic vester Deus est, huic ferte ingentia dona,
 Terrarum reges qui seuis territat armis,
 Elatosque animi dominorum repprimat ausus.



PSALMVS NONAGESIMVS-
 SEPTIMVS.

Dominus regnauit, exultet terra &c.


I Am Deus humanis infert sceptrā inclita regnis,
 Et sanctum gerit imperium: quo maxima Tellus
 Gaudeat, ipsa simul cuncti seu paruit orbis
 Legibus, aut in aquas medias abscissa refugit.
 Cuius in aspectu, cæli iam nubila circum
 Densantur, trepidaque tegunt caligine terras:
 Quem gemina, aurata solij de parte tuentem
 Omnia, circundant comites, quarum altera iustos
 Lata tegit, seuis hostes premit altera pænis.
 Antè Deum rapidis spatiantur motibus ignes,
 Insensos quibus ille sibi nunc hauriet. At que
 Fulgura in extentis mundi regionibus errant,
 Terra videns, tremat horrissonis excita cauernis.

Non aliter, quàm se cetera demitteret humor
 Igne calens tenui, facies quum apparuit ingens
 Terrarum domini, montes, atquè arcta catenis
 Soluuntur claustra, & liquefactis molibus astant.

Ipsi quin etiam cæli, fulgentia tecta,
 Iustitiam illius narrant, populòsque per omnes
 Gloria visa Dei magnis sese explicat alis:
 Qui verò saxumque tremunt, & sculptile lignum,
 Et vanos picta capiunt in imagine fastus,
 Plena pudore gerant, signisque rubentibus ora
 Muentur, nostrumque omnes Dñ numen adorent.
 Audyt, & tanto felix sub Rege futura
 Vrbs Solyma, letis venientia voluit in annis,
 Et chorus exiluit natarum è sanguine Iudæ.
 Nam Deus ipse super spatiosa volumina terra,
 Atquè omnes suprà diuos sese altius effers.

Vos igitur, sancto regem telluris amore
 Qui colitis, procul ex animis auertite vestris,
 Et manibus prohibete malum. Namquè ille suorum
 Custodit mentes placidas, quos eruet hostis
 Faucibus, & magno reddet cum favore plausus.
 Non secus, ac fuerit piceis ubi conditus umbris,
 Sol iterùm mæstis aperit sua lumina terris:
 Aut ubi parua seges latius caput extulit aruis.

Quarè agite ô iusti superum gaudere parenti,
 Sanctæque perpetuis extollite nomina sacris.




PSALMVS CENTESIMVS-
 TRIGESIMVS.

De profundis clamaui ad te Domine &c.

DVm rapidis voluor curarum fluctibus, ipse
Clamaui. longè nostras (pater optime) voces
Exaudi, attente pateant prece supplicis aures.

Si iustis homines (hominum scelera impia) pœnis
Vlcisci iubeas, quis non gladio impar, & ira
Magne, tuæ? sed eat ferrum; namquæ aurea mites
Circundat vultus bonitas, terrisque verendos
Sola facit: circumfusumque ego lumen anbelo.
Diui nos mea anhelat, in vno spemque fidemque
Te ponens anima, & semper tua nescia falsi
Ora tenens, domini radios fulgentis anhelat.
Qualis qui excubijs totam circumiit urbem
Nocte vigil, fœsis somnum indulturus ocellis
Auroram cupit exortam, lucemque diei:
Talis me, maiorque tui tenet anxius ardor.

Ergò Iudææ latè gens incola terra
Fide Deo, ipse bonus miseris, ipse omnia largus
Condonat peccata reis. Et te quoquæ tantis
Criminibus (nè pone fidem) tergetque, luëtque.



PSALMVS CENTESIMVS-
TRIGESIMVSOCTAVVS.

Iuxtà flumina Babylonis sedimus &c.

SEdimus heu quondam gelidos Babylonis ad amnes
Effusis mæsti lacrymis, gratissima nobis

E

Quùm Sion, & patria subierunt mœnia terra.

*Nablia tunc salices ramo suspensa virenti
Aurea sustinûere: tacebant hæc quoque nullo,
Icta sono. sed enim genti gens inuida nostræ
Adueniens, nos qua patrÿs abduxerat oris
Crudelis, medio repetebat carmina fletu:
Carmina, quæ quondam Solymæ dùm regna manerent,
Aedidimus lati domino. Vos talibus (inquit)
Imbuite ora modis, & dulcia tangite fila.*

*Nô sne Dei cantus aliena dicere terra
Fas erit? aut nobis demens illuserit hostis?
Tete ego chara Sion memori sub mente recondam,
Dum memor ista soni fuerit manus. ô mihi lingua
Hæreat obfessi penitus sub faucibus oris:
Si non tu diuûm, atque hominum gratissima sedes,
Vna mea semper referes exordia laudis,
Quùm latum aurato meditabor pectine carmen.*

*At tu, res hominum iusto qui lumine cernis
Reçtor, Idumæam (quæso) tibi subijce prolem
Mente recordanti tacitus: nam luce sub illa,
Qua Solymæ diris patuerunt hostibus arces,
Dixerat. Hanc igni vastate, hanc perditæ ferro,
Deiectamque imis euellite sedibus urbem.
Tu quoquæ talis eris Babylon, te digna manebunt
Excidia. ô fœlix in te qui funera ritu
Aediderit patrio, atque vltlices verterit iras.
Fœlix ille etiam, qui dulci è pectore matrum
Corripiens teneros pueros, & membra puellas,
Ora sub aduerso sparget manantia saxo.*

FINIS.

AL.

ALCÓN,
SEV,
DE NATALI IESV
CHRISTI.

ECLOGA,
*Ad illustrissimum Weickardum
Ab Aursperg, olim scripta.*

ALCOH

225

DEINATALLER

CHRIST

ELDER

of the Lutheran Church
in the city of Hamburg

17



SCIPII GENTILIS ALCON.

E T nos Alconis sacram referemus auenam,
Cælicolum Regi quondam quem miracantem
Obstupuit cum matre senex, mediòque sub antro
Aligeri fratres plausu excepere sonoro:

Et vaga mirata posuerunt murmura syluæ.

Tu modo, ni tanta rerum sub mole laboras,
Dùm magnis patria studijs incumbis, & omni
Carniola, veterumque legis monimenta tuorum:
Si iuuat Illyricos indagine tingere saltus:
Et gelidum Pana, & graciles non spernis auenas,
Huc ades, & pueri ceptum ne linque laborem.
En aderit tempus, meritos tibi texere honores
Quùm valeam! laudèsq; tuas ad sydera tollam!
O decus, ò, quem cura ingens præfecerit urbi
Auspergi generose, tuæ. pro tempore parua
Nunc refero, & mitto (quamuis sint rustica) munus.
Stabant pastores Regi diuina canentes:
Sed voce, & calamis melior sic incipit Alcon,
Incipit. extrema respondent omnia valles.

Inter saxa gelu, disiectisq; horrida dumis,
Vicinasque feris sedes, in nocte latenti,
Nasceris ò diuine puer. te nulla fovebunt
Lintea, iam nulla Tyrio te murice vestes

*Intinctæ accipient: sed laeua culmina arista
 Fultra latus vili tenerum dant ponere lecto.
 (Heu pietas) bos in primis, & segnis asellus,
 Et gestare onus, & collo suspendere aratrum
 Assueti, dominum agnoscunt te, nudâque proni
 Membra fouent calidam spirantes fancibus auram.
 Concine nunc alios mea fistula, concine versus.
 Nascenti puero vos ô canentia Nympha
 Vellera ferite iugis, Milesia qualia semper
 Dant nemora, & pulchro vestem contexite limbo.
 Hic dux noster erit, nostris quem iam affore terris
 Promissum, & magni licturum limina cæli,
 Tot vatum simul ora canunt. Iesseia diuûm
 Progenies, latè sceptris iam proferet orbi
 Imperium, legesque sacras, diuinâque iura:
 Et mixta insperget placata nubila fronti:
 At cadem, horroresque feros, & noxia belli
 Semina iam pellet, fratrum iam magnus erymnem
 Compescet, fontesque orco damnabit iniquo.
 Siqua etiam antiqua suberunt vestigia fraudis,
 Proteret, & nostros lymphis lustrauerit artus.
 Aurea diuina parca hoc sub Rege futura
 Sacra legunt. Pax alma nouis redimita coronis
 Adueniet, lætûmque manu prætendet oliuum.
 Bis grauidi colles vuis, bis messibus agri:
 Bis etiam arboribus stabunt pendentia poma.
 Huic & mella ferent pinus, & lilia vepres:
 Lilia si vepres, quid non feret omnia tellus?
 Pascite oues pueri, & syleris depo. ite robur,
 Non malum in viridi se occultat gramine serpens.*

Iam loca cuncta patent, ferus occidit, occidit anguis.
Hoc primum dispersi albis cum matribus agni
Non metuent ullum dentem, incursumque luporum
Custode, & teneras decerpent mollius herbas.
Tunc Dei mandata feres, tunc impia Ditis
Inuades regna! & porta pendentur athenae
Regi hominum, regi inuicto! tot monstra domabis,
Ut mortale genus misera contagio solutum
Eripias tristi letho. Tu deinde triumphis
Ibis ouans, ibis spolijs indutus Auerni!
Quin etiam sacri pastoris imagine captus
Diceris. late pecudes in pascua duces,
Mane ubi crescentes gelidus ros sufficit herbas,
Et mollem violam, & narcyssum vertice amæno:
At sentes, imisque absunt eryngia spinis,
Et viuo tenuis saxo delabitur unda,
Qua pingui distenta ferant ipsae ubera lacte.
Vesper ut è pastu reuocat, iam vesper olympo.
Ipse gregem ad stabulas, aut in sua septa reduces.
O ego si ventura meis hac sacula in annis
Aspiciam! quum tanta dabis spectacula terris.
Incipe parue puer solatia ferre parenti,
Os letum, & pulchros oculos confingere risu.
Munera pastores calathis tibi agrestia plenis
Eccè ferunt, quæ ruris hyems iam sordida liquit,
Et viridis lauri baccas, ederaq; corymbos.
Floribus hæc alij post nos cunabula spargent.
At nos ô socij, quando has inuisere sedes
Latitia, plausuque Deum per inane volantum
Tendimus admoniti, semper natalia magni

40 ALCON, SEV DE NATALI IESV CHRI.

*Dicemus, semper Regis cantabimus antrum.
Non solum Arcadia se iactent optima nati
Fandere, & incisos fagus modulamine amores
Alternare: canent illi, vincemus amores.
Nam qua non referent latos ad sydera cantus
Culmina, qua non arua, Deus, Deus ille, sonabunt.
Talia per noctem vacuas cantabat ad auras
Fatidico plenus, diuino & numine pastor
Euigilans. donec roseo proeessit ab ortu
Phæbus, & insolito radiauit lumine cælum.*

FINIS.

EIVS.





EIVSDEM, HYMNVS CHRISTO RESVRGENTI.



*Axime Rex hominum, cui tot Iudaea labores
Terra dedit, tot saeva animis affixit iniquis
Supplicia, exitiumq̃ tulit, tumuloq̃ reuinxit:
Et sacram effigiem iam mæsto lumine solui
Crediderat. Quū tu superas rediuius in auras*

Ecce venis, magnusque nouo cū numine prodis.

Victor ades. Melior rerum tibi nascitur orbis.

Conditio, melior cæli data copia diuis.

Ille iterum fulgere, caua & sub nube latentem

Indignos cernet solem discindere amictus

(Auctori quæ tanta suo) iam nuncia cuius

Mira dabit tæxis, & claro præuius ortu.

Latitia in nostras diffundet lumina mentes.

Mane nouo, quū rara ferunt se sidera cælo.

Vixque aurora suis nitidum caput exerit undis,

Christe potens, sanctum properantes ungere corpus,

Templa petunt gemina Maria. Quis marmore verso

Aligerum iuuenis candenti in veste recinctus

Observat, trepidasque deus monet? Ite sorores

Ite pia, nec enim quem queritis, amplius urna

Hec habet. & simul ossa rigor peruaserat ollis.

Ne vos ò dubitate, pios timor exuat artus.

Ite cita ad socios, Proh cælo innititur alto

Sancta fides: primæq; audent mysteria Diuæ
 Credere tanta, loquiq; palam. stupet inscia Turba
 Iam metuens & tristis adhuc, atque abdita tectis
 Ignotis. qui illos luctus, quæ dira tenebat
 Mæstities, quantos rumpebant pectore questus,
 Vt caso Pastore greges. iam iam omnia vobis
 Latitiam, plaususque ferent, vos carmina Regis
 Sacra manent. Mors victa tibi, manibusq; superbis
 Non homines, sanctos homines non horrida vincet.
 Vt nostros olim tam turpi funere sensus
 Abstulit, imbellēsque oppressit pondere dextras
 Ipsa facem, ac seui protendens pectoris ungues,
 Queis dominum cecidisse rata est. Furit impia cælo
 Arma ferens, magnique irridet numinis iras
 Infælix tellus. Tu obseffos milite lucos
 Irrumpis, frangisque altos custodibus enses
 Nomine tē dicens, & scuta ingentia cernis
 Ad terram cadere, effuso que horrere maniplos.
 Tu Regem insanum spernis, tu numine terres
 Pontificem. diuina illos arcana latere
 Sæpè doces, vimq; ipse vixum indignaris iniquam.
 Te non probra tamen, nec verbera sæua, nec ullum
 Tormenti genus humanis auertere curis
 Intrepidum possunt. ferro dumisque rigentem
 Aspice, sedatæque impexam fronte coronam.
 Aspice & ingentes procero stipite palmas
 Ferre humeris, ipsūque onus inclinare retentum,
 Inualidūque solo niti, & se sistere monti.
 Tantū nostra salus facili peruenit olympo.
 Maxima laus isto contra de funere restat.

Cum primum obscuro tollens caput exit ab antra,
 Conficit & magnum rediens ulciscitur hostem:
 Auræque ostendit constanti insignia dextra.
 Cumque etiam curru sedeat sublimis onanti
 Mille trahet mors infrendens ex ære catenas,
 Inuisos mæsto vultu comitata triumphos,
 Et secum horrendi ducens tetra agmina Ditis:
 Quam non his terris versari, & sumere vires
 Antiquas rursum Victor sinet. Ibit in amnem
 Sola suum, meritisque dolens luet omnia pænis.
 Nec non regna petet vacua, informésque lacunas
 Eumenidum vis illa, atri qua semina belli
 Suscitât, inuisumque genus furialibus odit
 Dira malis, centum nodos, centum exuēt angues.
 At circum antiqui Heroes, qui numine Vates
 Fatidico ad seros portendunt cuncta nepotes,
 Gaudia post, sacrosque Hymnos, & pectinis aurei
 Conventus, crebris iterabant vocibus ultro,
 VICIT iò mortem, vicit Cocytia regna.
 Quantus in Aegyptum diuisas equoris undas
 Moses agit, quantus Iesseo è semine Pastor
 Goliath sternit funda iaciente lapillos.
 Tantus iò hic mortem, vicit Cocytia Regna.
 Namque ipsum aspicient, (Vates si verâ locuti)
 Indutos Orci referentem vestibus axes,
 Seruantemque illis tutâ promissa salutis.
 Scilicet id tempus veniet labentibus annis,
 Cum tuba mugitu cælum complebit acuto,
 Horrendosque caua manes tellure ciebit
 Ad vitam, effigiemque hominum: non aurea, non ære

*Quid, si deus Ma Dei clamentis in ore
 Sonat, eternum ex his verba vocantia in annis,
 Nunc sat erit, sique ipse tuo dilecto Parenti
 Te reddat, patriam, seras victoribus armis,
 Pacatusque alta terras sub pace regentes
 Praeficiat, Mansura nono sint saecula Mundo,
 Et nos aequum oneramus pectora votis.*

FINIS.



Adversus

IOEL
PROPHETA

SIMONIS SIMONIDE,

AD

CLEMENTEM VIII
PONTIFICEM MAXIMUM



CRACOVIAE,

In Archicyp. Regia & Ecclesiastica Lazari,

Anno Dñi, 1598